

U akciji Meso uhapšeni najviši dužnosnici LIJANOVIĆI UTAJILI

Četiri brata i njihov otac Stipe Lijanović, Milorad Bahilj, Jozo Slišković, Venka Ivanković, Željko Mikulić, Draženko Kvesić, Zdravko Ivanković, Miroslav Čolak, Mirjana Šakota i Mirko Galić sumnjiče se za neplaćanje i utaju poreza, nenamjensko trošenje poticaja i prodaju otuđenih zaliha Federalne direkcije za robne rezerve

Po nalogu Tužilaštva BiH, jučer je u više gradova provedena akcija kodnog naziva Meso, jedna od najvećih u borbi protiv organiziranog kriminala i višemilionskih poreznih utaja. U ovoj akciji jučer su pretrեսeni objekti i preduzeća, čiji su vlasnici ili koje koriste osumnjičeni: dopremijer Federacije i ministar poljoprivrede, vodoprivrede i šumarstva Jerko Ivanković Lijanović (1969), Slavo Ivanković Lijanović (1957), Jozo Ivanković Lijanović (1962), državni poslanik i predsjednik Narodne stranke Radom za boljitak Mladen Ivanković Lijanović (1960), federalni ministar trgovine Milorad Bahilj (1953), Jozo Slišković (1956), Venka Ivanković (1941), Željko Mikulić (1959), Zdravko Ivanković (1968), Draženko Kvesić (1968), Miroslav Čolak (1941), Stipe Ivanković Lijan (1933), Mirjana Šakota (1958), te Mirko Galić (1954).

Iz Tužilaštva su jučer kazali kako će za većinu njih biti zatražen pritvor, izuzev za oca braće Lijanović (Stipe), te Venku Lijanović.

Tempirano vrijeme

Braća Lijanović su još 16. decembra 2002. u Mostaru registrovala mesnu kompaniju MI-MO. Nakon njene propasti, poslovanje preuzima firma Farmer, koja zakupljuje kapacitete "Lijanovića" i upošljava iste radnike, ali ne preuzima i dugove. Sjedište joj je bilo u Širokom Brijegu, a direktor je bio uhapšeni Jozo Slišković. Firma je registrovana na Venku Ivanković. I ova firma je prestala s radom nakon dvije godine. Treća osnovana firma nosila je naziv Farmko, također sa sjedištem u Širokom. Na njenom čelu našao se Milorad Bahilj, koji se pojavljuje i kao direktor u prvoj firmi MI-MO. Nakon Bahilja, na mjesto direktora dolazi Slišković.

Novinari su jučer ministra Lijanovića pred porodičnom kućom pitali šta se dešava, nakon čega su reagovali pripadnici SIPA, kazavši kako "nema nikakvih razgovora".

- Evo kakva je država, predizbornoje vrijeme, a ne daju mi govoriti, prokomentarisao je Jerko Ivanković Lijanović, dok je njegov sin Antonio, kandidat za Zastupnički dom Parlamenta BiH, novinarima kazao: "Samo vi zakuhaajte, a mi ćemo na konferenciji za medije reći šta imamo".

U okviru akcije izvršeni su pretrеси i izuzimanje dokumentacije i dokaznih materijala iz preduzeća: "Lijanović d.o.o." Široki Brijeg, Ko-

ra-fin d.o.o. Široki Brijeg, te Velmos Company d.d. Mostar. Navedene osobe su pod istragom i osumnjičene su za kaznena djela organizovani kriminal iz člana 250. stav 3. Kaznenog zakona BiH, a u vezi sa kaznenim djelima neplaćanje poreza iz članka 211, porezna utaja ili prevara iz člana 210. i pranje novca iz člana 209. KZBiH.

- Akcijom rukovodi tužilac Tužilaštva BiH, a u aktivnostima na terenu sudjeluje više stotina policijskih djelatnika SIPA i Uprave za indirektno oporezivanje BiH. O svim aktivnostima informisan je glavni tužilac BiH, s obzirom na to da se radi o jednom od najsoženijih predmeta organiziranog kriminala u postdejtonskoj BiH, naveli su iz Tužilaštva BiH.

Radi se, između ostalog, o poreznim i carinskim utajama u iznosu većem od 11 miliona KM, koje su počinjene osnivanjem i kasnijim fiktivnim gašenjem preduzeća, sa ostavljenim velikim dugom za porez. Navedena preduzeća su se bavila uvozom, proizvodnjom i preradom mesa i mesnih prerađevina.



Otac Stipe Lijanović sa sinovima

- Za višemilionske iznose je oštećen budžet BiH, te na taj način i svi građani naše zemlje, napomenuli su iz Tužilaštva BiH, dodajući da su aktivnosti provedene na ukupno 14 lokacija širom BiH.

U pauzi vanredne sjednice Predsjedništva Narodne stranke Radom za boljitak, novinarima se jučer obratio dopredsjednik iz reda bošnjačkog naroda Mersed Šerifović, inače poslanik Skupštine Tuzlanskog kantona.

Kazao je kako NSRB energično počinje izbornu kampanju, te da će sve planirane aktivnosti biti dodatno pojačane.

- Podržavamo vladavinu prava i institucije pravosuđa, ali tempira-



no vrijeme za današnju akciju bacao sumnju na kredibilitet i profesionalnost navedenih institucija. Znao je da Boljitač dugo zagovara ukidanje kantona i provođenje presude Sejdčić - Finci, a da je upravo u kantonima baza pojedinih stranaka u BiH. Kroz obilazak građana na terenu ćemo prezentovati deset ključnih mjera, tražeći podršku za naš program. Za današnja dešavanja ne možemo davati komentare unaprijed, ali vrijeme će pokazati da smo na pravom putu, poručio je Šerifović, ne ostavivši mogućnost novinarima za ijedno pitanje.

Kontrole s terena

Još prošle godine objavljeno je kako dokumentacija koju posjeduje Tužilaštvo BiH, a na osnovu koje je Sud BiH izdao naloge za pretrесе i izuzimanje dodatne poslovne do-

kumentacije iz povezanih kompanija sa kompanijom porodice Lijanović, dokazuje da postoje elementi za sumnju u organizovani kriminal čijim djelovanjem je država oštećena za 72.928.550 KM. I iz Uprave za indirektno oporezivanje jučer smo saznali kako jeste riječ o desetinama miliona maraka, te da će nakon slučaja Kekerović i ove jučerašnje, biti još velikih akcija.

Tužilaštvo BiH je zaprimilo u 2013. izvještaj o počinjenim krivičnim djelima u predmetu Lijanović i ostali za navodni kriminal od 2004. do 2013. godine. Osumnjičeni za organizovanje grupe za prevaru koja je preko povezanih firmi utajila ili pogrešno prikazivala iznose za po-

ici Narodne stranke Radom za boljitak

11,6 MILIONA KM



U jučerašnjoj akciji uhapšena i braća Mladen i Jerko Ivanković Lijanović

vrat PDV-a u izvještaju su bila braća Slavo i Jerko Ivanković, vlasnici mesne industrije "Lijanović". Mesna industrija osnivala je povezana privredna društva koja su se samo formalno vodila kao vlasnici pokretne i nepokretne imovine. Pomenute firme, kojih je dosad bilo više od 30, poslujući sa Lijanovićima stvarale su dugove prema državi na ime poreza i doprinosa, a potom su bivale ugašene. Pored toga, Jerko i Mladen Lijanović sumnjiče se da godinama uzimaju državne poticaje, da je jedna od privilegija bila uvoz radi izvoza, koju su obilato koristili. Svrha tih poticaja je da se bez plaćanja carina uveze sirovina, ali pod uslovom da se u roku od godinu izveze gotov proizvod sa 30 posto veće vrijednosti.

Ratko Kovačević, portparol UIO BiH, jučer je podsjetio kako je

provodjenje propisa i Sektora za poreze, vršili su kontrolne aktivnosti na terenu. Inspektori u Sektoru za poreze vršili su kontrolu poslovanja firmi koje su predmet izvještaja, ali i svih ostalih koje su bile poslovni partneri firmama koje su sastavni dio izvještaja, prosljeđenog Tužilaštvu BiH. UIO je spriječila i određene zahtjeve za povrat PDV-a, koje su tražile neke od kompanija iz izvještaja, istakao je Kovačević.

Prošle je godine i Centar za istraživačko novinarstvo objavio tekst u kojem poljoprivrednici iz FBIH svjedoče na koji način je ministar Jerko Ivanković dijelio poticaje. Prema istraživanju CIN-a, najmanje 2,7 miliona maraka poticaja je podijeljeno za zastarjele objekte, nepostojeći biznis ili ministrovj rodbini i stranačkim kolegama. Neki od njih su ranije bili angažovani na pri-

javljuje u medijima. Kada je u pitanju funkcioniranje Vlade FBIH, ono s ovim nije dovedeno u pitanje i Vlada može izvršavati svoje zakonske i ustavne obaveze, poručio je premijer Nikšić.

Nakon toga, na sjednici Vlade FBIH, konstatovao je da bi bilo dobro da su SIPA i Tužilaštvo BiH o ovoj akciji prethodno obavijestili Vladu i federalni MUP.

Skrivanje porijekla imovine

Portparolka SIPA Kristina Jozić novinarima je kazala da su policijski službenici ove agencije još 10. septembra počeli opsežnu akciju Brend, na području Sarajeva, Mostara, Širokog Brijega i Gruda, prilikom koje je uhapšeno 11 osoba.

- Utvrđeno je da je navedena organizovana kriminalna grupa nezakonitim aktivnostima stekla protivpravnu imovinsku korist veću od 11,6 miliona KM, a koja potiče od neplaćenog i utajenog poreza na dodanu vrijednost, od nenamjenski trošenih poticaja za razvoj proizvodnje i poljoprivrede, te od prodaje otuđenih zaliha Federalne direkcije za robne rezerve, istakla je Jozić, dodajući da je grupa tih 11,6 miliona vraćala u legalne finansijske tokove davanjem pozajmica i otkupom udjela od pravnih osoba i uplatom gotovinskog novca na račun, a s ciljem skrivanja porijekla nezakonito stečene imovine.

Aktivnosti su provedene po naredbama Suda i Tužilaštva BiH, u saradnji sa pripadnicima UIO BiH, te MUP-ova HNK-a i ZHK-a. U akciji je učestvovalo više od 200 pripadnika SIPA, koja akciju Meso zove Brend.

Mostarski advokati Nada Dalipagić i Davor Šilić braniće braću Jerku, Mladenu i Slavu Ivankovića Lijanovića, te ministra Milorada Bahilju. Njihovo saslušanje u SIPA jučer je trajalo šest sati, kako nam je kazala Dalipagić, a svi su dali iskaze i istakli da u njihovim radnjama nema elemenata krivičnog djela.

- Nakon što tužilac Ismet Šuškić sasluša preostale uhapšene, uputit će prijedlog za određivanje daljih mjera, dodala je Dalipagić.

Jelena MILANOVIĆ



Privođenje ministra Bahilja u prostorije SIPA

prvi izvještaj prosljeđen Tužilaštvu BiH 2011, nakon čega su izvršene još dvije dopune u toku 2013. i 2014.

- Tim izvještajima obuhvaćeno je ukupno 20 lica, od čega 14 fizičkih i šest pravnih, koja se sumnjiče da su počinila veći broj krivičnih djela iz oblasti indirektnih poreza. Pročjenjuje se da je budžet BiH oštećen za nešto više od 11 miliona KM po osnovu sumnje da su počinjena krivična djela organizovanog kriminala, poreske utaje, neplaćanja poreza, pomaganja u činjenju krivičnih djela, krivotvorenja poslovne dokumentacije i uništavanja poslovne dokumentacije. Kroz nekoliko godina, službenici UIO iz Sektora za

kupljanju glasova za stranku, a Abdulah Tutmić, vlasnik peradarske firme iz Zenice, nije dobio poticaj, jer mu se, kako kaže, nakon podnošenja zahtjeva javio član NSRB-a, tražeći da polovinu novca da stranci, a od preostale polovine 15 posto njemu. Pošto na to nije pristao, dobio je odobrenje.

Federalni premijer Nermin Nikšić za Fenu je jučer ujutro kazao kako apsolutno podržava akcije usmjerene ka sankcioniranju korupcije i organiziranog kriminala u BiH.

- Neka svako odgovara za svoje postupke, bez obzira na to o kome je riječ. U ovom trenutku nemam nikakve druge informacije u vezi s ovom akcijom, izuzev onoga što se

Državni delegati o akciji Meso**POJEO VUK MAGARCA**

Delegat u Domu naroda PSBiH i član SDP-a BiH Mehmed Bradarić kazao je jučer da su dolijale lije.

- Meni je drago da se to dešava i da institucije države rade svoj posao i ovo je poruka svima onima koji u svojim rukama imaju velike državne pare i ne dijele ih onako kako bi trebali, imat će problema i mislim da se to polako ostvaruje. Mislim da će svi uhapšeni biti pušteni, jer se radi o pametnim licima koja iza sebe imaju dobre timove i koji dobro peglaju papire. Vidjeli ste da je gospodin Kemal Caušević, bivši direktor Uprave za indirektno oporezivanje, rekao, kada je uhapšen, da mu je to najsmretniji dan u životu, jer zna da će biti pušten. I ova priča oko Lijanovića će se završiti tako, pojeo vuk magarca. Svi oni nakon hapšenja budu čak politički ojačani, to im dođe kao pedigree za ovu predizbornoj kampanju, smatra Bradarić.

Njegov kolega, delegat i član SDA Halid Genjac smatra kako je tragično da su "lica koja su jutros uhapšena tako dugo obnašala značajne funkcije u izvršim i zakonodavnim tijelima".

- Ohrabrujuće je da, ipak, institucije rade svoj posao u smislu poštivanja zakona. Vjerujemo da će svi oni za koje se dokaže da su počinili krivično djelo na kraju i odgovarati, ističe Genjac.



Delegat PDP-a Mladen Ivanić ističe kako je obaveza Tužilaštva BiH da povede odlučnu borbu protiv korupcije i "mislim da se ne trebaju zalijetati u slučajeve dok nisu potpuno sigurni u njih".

- Ako se slučaj ne dovede to kraja, to je druga strana medalje i jako štetno i loše za vladavinu prava, napominje Ivanić, dok delegat i član HSP-a Stjepan Krešić kaže kako je očito da su počela predizborno uhićenja.

- Pomalo je znakovito da se za hapšenje Lijanovića izabrao dan kada počinje predizbornoj kampanja. Istinska borba protiv korupcije u ovoj državi je trebala početi davnih dana i od većih riba nego što su to navedena gospoda. Ne želim komentirati ovo što se desilo jutros, da li ima elemenata ili nema, ali zapitajmo se svi da li je sve tempirano baš pred izbore i da ima predizborne učinke, misli Krešić.

Delegat SDS-a Ogrnjen Tadić kaže kako stranka Mladena Lijanovića nije snažna u Republici Srpskoj, niti je prisutna u toj mjeri da bi to imalo nekakav politički efekt u RS-u.

- Ali me kolege uvjeravaju da to može biti od uticaja na rezultat izbora u FBiH. Nadam se da se ne radi ponovo o jednom u nizu sudskih predmeta u kojem se digne puno prašine, a onda se sve pretvori u političku aferu. Gospoda Lijanović nisu prvi put na optuženičkoj klupi. Oni imaju tu vrstu iskustva. Te stvari treba razriješiti. Zašto to dolazi u predizborno vrijeme, pitanje je na koje bolje mogu odgovoriti ljudi koji se bave politikom u Federaciji, napominje Tadić.

A. G.

BARTH: PRAVDA DOSTUPNA SVIMA

David Barth, direktor misije USAID-a u BiH, na konferenciji o borbi protiv korupcije Potraga za vodstvom, jučer je povodom hapšenja prvih ljudi NSRB-a kazao: "To pokazuje da ne smiju postojati nedodirljivi ljudi koji su iznad zakona. Ako postoje dokazi da su te osobe počinile krivično djelo, onda pravosudni sistem treba da djeluje, odnosno da dođe do hapšenja, krivičnog gonjenja i eventualnog osuđivanja ako postoje dokazi za počinjeno krivično djelo. Pravda nije nešto što pripada samo onima koji su bogati i moćni, već treba da bude dostupna svima. Kao što postoji krivično gonjenje ljudi koji nemaju apsolutno ništa, tako mora postojati krivično gonjenje ljudi koji imaju bogatstvo i utjecaj".

TEGELTIJA: BEZ PREJUDICIRANJA

Milan Tegeltija, predsjednik VSTV-a BiH, izjavio je da ne može komentarisati niti jedan pojedinačan predmet - bilo da se radi o tužilačkom ili sudskom predmetu. "Ali, generalno, mogu da kažem da to pokazuje jedno opredjeljenje kako se radi na tome da svi građani budu jednaki pred zakonom i opredjeljenje Tužilaštva da uđe u jednu takvu bitku. Kako će se ona na kraju završiti, šta će se od svega toga desiti i kako će ti postupci završiti na sudu, to ne mogu da komentarišem jer ne možemo da prejudiciramo ishod nekog sudskog postupka. Međutim, sama činjenica da se takve akcije dešavaju, govori o opredjeljenosti svih struktura u pravosuđu da se ozbiljno uhvate posla."

DK. O.